

James Videhtly'aa

¹ Shij James t'ihchy'aa, Gwiti', Diik'eegwaadhat Jesus Christ haa gootsyaa ihlij. Jii dehtly'aa t'ee jii nankat nihky'aa datthak gwik'injijii najj goodivee goozu'.

Gwik'injigwiight, Gwaroonzhij Haa

²⁻³ Shachaa najj! Nakhwaa googwantrii daj' gaa nihk'it shoo ohlij, jii kwaii datthak geenjit gaayiich'adhohtsajj ji' t'ee gwik'injigwiight gweheent'aii. ⁴ Nihk'it akhagoohnyaq kwaa ji', dinjii nizij gwik'injijii hohlyaa t'oonchy'aa. ⁵ Nakhwalat najj gaashoondaii niindhan ji', K'eegwaadhat ts'a' khadigiinjii, juu khadigiinjii najj datthak ch'eegoonzhrij ts'a' shoo haa k'eegwahahthat. ⁶ Khadagohjii daj' K'eegwaadhat sheenjit jyaa deeh'eeyaa kwaa nqhkya' shrq'! Juu jyaa dinchy'aa ji' t'ee zhit chuj choh kat tit haa neehitr'ak ahtsii k'it t'ihchechy'aa. ⁷⁻⁸ Juu sheenjit K'eegwaadhat jyaa dihee'yaa kwaa niindhan ajj K'eegwaadhat ts'an gwahaqah'yaa kwaa. Datthak dee'in gwizhit gwinzii deegweheechy'aa gaandaii kwaa geh'an.

Dinjii Neeshraahchy'aa chan ts'q' Dinjii Valaraa Gwanlii Najj Haa

⁹ Dinjii gwik'injiight, neeshraahchy'aa ajj K'eegwaadhat daagineeyehichij ji' geenjit shoo oolj'. ¹⁰ Ajj dinjii valaraa gwanlii gwik'injiight chan K'eegwaadhat zhak gineeyehichij ji' geenjit shoo oolj'. Ajj dinjii valaraa gwanlii gwanzhij gwinzii vigweech'in k'it khan viheekwaa. ¹¹ Ajj

gwanzh̄h shreedhaa an yahahtsyaa ts'ą' iizųų heelyaa. Āj̄j gwik'it āj̄j dinjii valaraa khan valaraa heekwaa ts'ą' an heelyaa.

Juu Vaagogwantrii Gaa Nihk'it Gwik'injiighit N̄j̄j

¹² Āj̄j juu dinjii vaagogwantrii gaa, nihk'it gwik'injiighit ji' t'ee shoo heelyaa, gwandaii ndaanąą'ąj̄' kwaa gaayiihaatsyaa. Āj̄j t'ee K'eegwaadhat juu yeet'iindhan n̄j̄j intl'eeyehee'aa t'oonchy'aa. ¹³ Dinjii vaagogwantrii geh'an datr'agwaanduu gwiltsąj̄j ji', "Jii gogwantrii kwaii K'eegwaadhat vats'an t'igwii'in." doonyą' shrų'! Āj̄j ts'ą' K'eegwaadhat chan duuyeh vatr'agwaanduu gwanlii geh'an duuyeh dinjii atr'agwaanduu gwahtsii. ¹⁴ Gaa āj̄j dinjii tr'agwaanduu t'ooshi'ya' yiindhan geh'an gwizhr̄h vatr'agwaanduu gwanlii. ¹⁵ Jii gwizųų t'ooshi'ya' yiindhan kwaii geh'an vatr'agwaanduu gweheelyaa. Āj̄j tr'agwaanduu t'ii'in ts'an t'ee ch'ich̄j̄' heelyaa.

¹⁶ Shalak n̄j̄j neenakhwaroon'ee shrų'! ¹⁷ Jii nankat jidii nizj̄j diit'l'eeriin'ąj̄j t'ee zheekat gwats'an t'inchy'aa. K'eegwaadhat t'ee zheekat gwats'an ch'aadrii tthak chan gwiltsąj̄j. Shree t'ee tųų, drin haa neegwa'ak gwik'it K'eegwaadhat ch'ijuk needaatsik kwaa t'inchy'aa, āj̄j ts'ą' khit diits'ą' nizj̄j. ¹⁸ K'eegwaadhat lya k'i'didlii haa viginjik k'i'ighai' diiniltsąj̄j. Izhit geh'an t'ee gwandaii datthak andaa tr'ihil'ee.

K'eegwaadhat Viginjik Oodųųk'j̄j ts'ą' Gwik'it T'akhwa'in.

19 Shachaa najj, nakhweet'ihthan Shoodoohk'ijj! Ch'oodoohk'ijj ts'a' khagihinkhyaa ji' deehiinnyaa gininjich'ahthat. Khan nik'iigohohghii shro'!
 20 Dinjii k'iigwahaadhak aajit'ee K'eegwaadhat ts'an gwitr'it t'oonchy'aa kwaa. 21 Jidii nakhwatr'agwaanduu gwiizuy gwanlii datthak akhagoohnyaa. Gohdaii gwizhit ndak t'ohchy'aa kwaa haa K'eegwaadhat nakhwats'a' t'ohthan. Viginjik ohjii ji', neenakhwahahshii t'inchy'aa.

22 Zhyaa K'eegwaadhat viginjik oohk'i' shro' gaa deenakhwarahnyaa gwik'it t'akhwa'in. 23-24 Ajj juu zhyaa K'eegwaadhat viginjik ook'ijj ts'a' gwik'it t'ii'in kwaa, aajit'ee dinjii vizhit needaraa'in zhit needadaa'ya' t'ee nats'aa viyiichy'a' ginildee k'it t'inchy'aa. 25 Gaa aaj juu K'eegwaadhat Viginjik shroodiinyaa zhrih k'it ahaa t'ee dinjii gadahahchyaa. Aajts'a' dee'in datthak ideenjit shoo heelyaa. Ch'ook'ijj ts'a' gwik'it t'ii'in geh'an.

26 Juu K'eegwaadhat haa ihjii niindhan? Ajj juu dighit gwik'indeedaatii kwaa t'ee K'eegwaadhat haa nilii kwaa ts'a' yee'at k'ii'an hee niinjich'adhat. 27 Lyya Diiti' K'eegwaadhat vaa oihki' niindhan ji', jii kwaii jyaa dini'in; Tr'iinin chiitee aajts'a' tr'injaa vakai' niindhat goovaagogwantrii najj, ts'iinyaa ts'a' tr'agwaanduu t'ini'yaa gwits'i' adak'aantii.

2

Neeshraahchy'aa Najj Hqh'ee

1 Shachaa najj, datthak Diik'eegwaadhat, Jesus Christ vich'eegwahndit zhit gwik'injiriighit, aaj veh'an dinjii nats'aa vigweech'in eenjit

nihlehjuk vats'a' dinjii qhli' shro'! ² Dinjii valaraa gwanlii gwach'aa nizii naazhii ajiits'a' dinjii neeshraahchy'aa vagwach'aa ch'aa haa nakhwatr'igiinkhii zheh nihdeegiin'oo ji' yu'? ³⁻⁴ Gaa aji dinjii valaraa gwanlii aji gwinzii heedyaa naahchii ts'a' dinjii neeshraahchy'aa chan, dachan chyah kat dhindii vaiinya'a ji' t'ee, dinjii neeshraahchy'aa, ajiits'a' dinjii valaraa gwanlii haa nihlehjuk goots'a' dinjii inlii lee t'iinya'a? Jyachts'a' dinjii inlii ji' t'ee tehka'a tr'agwah'in t'ini'yaa.

⁵ Ch'oodoqhk'ii, shachaa najii nakhweet'ihthan! Dinjii neeshraahchy'aa najii t'ee K'eegwaadhat gwitee tr'agoovinlii gwik'injii giheelyaa eenjit. Gooveet'iindhan geh'an, zhee kat Gweegwini'ee gwizhit gwahaah'yaa, goovaiinya'. ⁶ Gaa nakhwan, aji neeshraahchy'aa najii khadhoo'ee kwaa! Valaraa gwanlii najii t'ee khit nakhwach'itsigahaa'e' ts'a' ch'aroahkat zheh nihdeenakhwagahahchyaa t'oonchy'aa. ⁷ Aji najii t'ee Jesus t'injuuhchy'aa voozhri' iizu'u gahtsii.

⁸⁻⁹ Jii t'ee K'eegwaadhat Viginjik Degtly'aa Choh zhit gwadanakhwat'oo, "Ideet'iindhan googwaht'oo ch'izhii dinjii najii chan eet'iindhan." Jyachts'a' t'akhwa'in ji' kyaa gweheezyaa. Gaa nakhwan aji dinjii nats'a'a vigweech'in eenjit nihlehjuk vats'a' dinjii qhli' ji' t'ee tr'agwaanduu gwahtsii ajiits'a' K'eegwaadhat Viginjik leedohnaii t'oonchy'aa. ¹⁰ Juu K'eegwaadhat Viginjik lat lahnaii t'ee K'eegwaadhat Viginjik datthak lahnaii k'it t'igwiichy'aa. ¹¹ Jii t'ee K'eegwaadhat t'inya'a, "Juu veedhindii kwaa haa oiinchi' shro'!" ajiits'a', "Dinjii chan ehdaa tr'agoiin'aa shro'!"

Ch'aa'inchi' kwaa gaa dinjii ehdaa tr'igwiin'ajii ji' t'ee K'eegwaadhat Viginjik datthak leedohnaii k'it t'igwiichy'aa. ¹² Dohnyaa ts'a' deekhwa'in ajii Gwandak Nizii zhit Law tr'agwaanduu t'akhwa'in gwats'an tr'ineenakhwarahchii k'it gohdaii. ¹³ Juu dinjii neeshraahchy'aa oonyaa kwaa t'ee duuyeh K'eegwaadhat neeshraahchy'aa yuunya. Ch'aroahkat Drin zhit ji' ajii juu dinjii neeshraahchy'aa oiinya' t'ee naajat gwat'aahchy'aa kwaa.

*Nats'ahts'a' Gwik'injigwiighit Tr'ihee'ya
Goo'aii.*

¹⁴ Shachaa najii! K'eegwaadhat veenjit k'eegwiichy'aa t'ini'in kwaa gwiizhit zhyaa, "Gwik'injihkhit!" doiinya' shrq'! Jyaa ni'in ji' t'ee nats'aa neehijnzhii yindhan? Ajii k'it t'iinchy'aa gwik'injiighit dii'ii ji' t'ee ajii dinjii neehezhi kwaa. ¹⁵⁻¹⁶ Gwik'injii najii gwach'aa chan ts'a' giihee'aa haa gii'ii kwaa, gwiizhit goots'ihinjyaa kwaa ji', "Nidiveegoozu' ts'a' gwiindhaa oonit'ii ts'a' gwinzii adach'aan'aa," zhyaa jyaa goovoiinya' shrq'! ¹⁷ Ajii'ee gwik'injiriighit haa nihk'it t'oonchy'aa. Dinjii gwik'injiighit gwiizhit K'eegwaadhat doo'ya' yuunya ajii gwik'it t'ii'in kwaa ji' t'ee ajii gwik'injiighit dii'ii ajii ikhchii k'it t'inchy'aa, ajits'a' duuyeh vit'ineegwaachy'aa.

¹⁸ Gaa dinjii jyaanya ji' yu', "Dinjii ch'ihlak gwik'injiighit ajits'a' ch'ihlak chan K'eegwaadhat eenjit k'eegwiichy'aa t'ii'in." Ajii dinjii jyaanya ji', jyaa vakhaihyaa, "Nats'aa K'eegwaadhat veenjit k'eegwiichy'aa t'ini'in kwaa gwiizhit vik'injinghit shaagwandak, shii ajii deeshi'in k'iighai' nats'aa

gwik'injiighit gwahaqah'yaa." 19 K'eegwaadhat ch'ihlak zhr̄h gwanlii gwik'injinghit? Ajj̄t'ee gwinzii! Ch'an̄ky'aa iizūu nāj̄j̄ gaa K'eegwaadhat ch'ihlak zhr̄h gwanlii gwik'injigiighit ts'a' naajat haa gaatr̄at. 20 Tr'agoh̄jik kwaa! K'eegwaadhat deenoo'ya' noonyaa gwik'it t'ini'in kwaa, āj̄j̄t'ee gwik'injigwiighit iizūu t'inchy'aa, nijin ji' gwagwahan'ee? 21 Yeenii dilak, Abraham, K'eegwaadhat k'eegwilthat nijin didinji' Isaac ataiinjii tr'ahts̄ii deek'it kat yantl'ahch̄j̄j̄ daj̄'. Ajj̄ geh'an Abraham tr'agwaanduu tr'agwah'ya' kwaa k'it K'eegwaadhat yaq̄ah'in. 22 Nik'ee gwaq̄ah'in? Vigwik'injigwiighit āj̄j̄ts'a' dee'ya' haa nih̄laa tr'agwah'in t'oonchy'aa, dee'ya' k'iighai' vigwik'injigwiighit nits̄ii dhidlit. 23 Jii t'ee D̄eht̄ly'aa Choh zhit jyaa deegwinyaa t'igwinyaa. "Abraham K'eegwaadhat k'injiighit geh'an tr'agwaanduu tr'agwah'ya' kwaa k'it K'eegwaadhat yaq̄ah'in." Ajj̄t'ee Abraham K'eegwaadhat vijyaa varahnyaa. 24 Jȳah̄ts'a' t'ee dinjii dee'in k'iighai' vatr'agwaanduu kwaa k'it K'eegwaadhat yaq̄ah'in. Vigwik'injigwiighit zhr̄h nakwaa.

25 Yeenaa daj̄' chan izhit gwik'it tr'injaa Rahab laraa t'ij̄ dinjii nāj̄j̄ haa dhich̄j̄j̄. Gaa dee'ya' k'iighai' vatr'agwaanduu kwaa k'it K'eegwaadhat yaq̄ah'in. Ch'adanh nahkat gwats'an niveet'ah'in nāj̄j̄ ts'inya' geh'an.

26 Jȳah̄ts'a' t'ee gwik'iinjigwiighit gwiizhit K'eegwaadhat veenj̄it tr'agwarah'in kwaa daj̄', tr'ik̄h̄j̄j̄ k'it nihk'it t'igwiichy'aa.

3

Nighit Leedeegwqhtin

¹ Shachaa najii! Nakhwatee leji najii tr'igiinkhii zheh gwizhit geech'ohchya' shrq'! Izhit geh'an diikhwan geech'qahtan najii tr'inlii ts'a' gwik'injiighit najii andaa ts'a' Ch'arookahkat Drin zhit ji' diiroohahkat. ² Datthak ts'a' geete hee yee'at k'ii'an tr'agwarah'in. Dinjii nizii gwik'injiighit ajiit'ee gwiizuu t'heenjyaa gwits'i' khit ts'a' dighit gwik'indeedaatii. ³ Lajii choh nitsii diik'eegwahahthat ts'a' tly'ah tsal haa nijuk k'ii'an hoozhi' tr'oonyaa eenjit vighit neeraazhik aji gwik'it. ⁴ Ajiit's'a' chan tr'ihchoo nitsii, ahtr'aii haa neehiilak gaa taa'aji tsal zhrih haa vineerahdak. ⁵ Diikyaa lyaa natsal gaa gwiizuu gwinqleji t'inyaa.

Gwaaq'in! Kq' tsal haa gwintsii gweheek'an aji gwik'it, ⁶ diikyaa kq' k'it t'inchy'aa. Jyqhts'a' t'ee dinjii najii digikyaa haa gwiizuu tthak t'iginyaa ts'a' gootr'agwaanduu gwilii, aji kq' t'ee ch'ankey'aa tr'aanduu yahaaky'aa. Diikyaa haa deegwinyaa k'iighai' gwarandaii datthak kq' zhit gwehee'aa. ⁷ Dinjii najii nin datthak idigwigwil'e'. ⁸ Gaa dinjii ch'ihlak gaa duuyeh dikyaa gwik'it t'ah'in. Iizuu ts'a' chan deeheenjyaa datthak gwik'it t'inyaa, ch'oondaii iizuu k'it veegoo'aii. ⁹⁻¹⁰ Diikyaa haa, Zheekat Gwiti' mahsi' varahnyaa ts'a' chan dinjii Vit'eegwijyahchy'aa k'it iltsaji najii chan vaatr'eedeeraajyaa. Shachaa najii jii jyaa dakhwa'ya' shrq'! ¹¹⁻¹² Nanzhit k'iizhaa chuq iizuu, chuq nizii haa nihlaa khaiinlaii kwaa. Shachaa najii! Aji gwik'it Fig dachan nahshii duuyeh chan vakat Olives nahshii t'inchy'aa,

akwat jak (grape) t'an nahshii duuyeh chan Figs vakat nahshii t'inchy'aa.

K'eegwaadhat Vigwizhi'

¹³ Dinjii goonzhīi ji', khit ts'ą' gwinzii gwizhr̄ih t'ihee'yaa. Gwantl'oo ideech'iin'in kwaa ji' t'ee nigwizhi' gwanlii t'ihinchy'aa. ¹⁴ Gaa nidrii zhit dinjiriighit dha'aai ts'ą' chan ideenjit gwizhr̄ih ninjich'iindhat. Jyahts'ą' K'eegwaadhat Viginjik oots'it tr'ahtsii k'it t'oonchy'aa. ¹⁵ Jii k'it t'inchy'aa ch'igwizhi' yeedaa zheekat gwats'an kwaa t'oonchy'aa, jii nankat chan ts'ą' ch'ankey'aa tr'aanduu haa zhr̄ih goots'an t'inchy'aa. ¹⁶ Nijin gwats'ą' dinjiriighit ts'ą' chan ideenjit gwizhr̄ih niinjich'aradhat, izhit gwats'an dinjii nāii tr'eedeenihłagaajyaa ts'ą' chan tr'agwaanduu gwigwitr'it gwanlii. ¹⁷ Gaa K'eegwaadhat vigwizhi' t'ee shroodiinyāą, deegwaahnyāą, diishrooanjyaa, veeshroonchy'aa, āīts'ą' neeshraahchy'aa niindhan kwaii datthak nilii. Āīts'ą' vigwitr'it gwinzii kwaii chan lēii. Dinjii nāii inehts'i' t'inchy'aa kwaa, āīts'ą' dinjii gwik'injiighit kwaa gaa gwik'injiighit adaa'ii kwaii chan veenjit kwaa. ¹⁸ Gwik'injiighit nāii nihłit'iinjyaa'ee kwaa ts'ą' gwinzii tsinehdan zhit nihłaa tr'agwagwah'in ts'ą' izhit gwats'an K'eegwaadhat vigwitr'it gwinzii googwahtsii.

4

Nihłit'iinjaraa'ee

¹ Zhit nihłit'iinjuh'ee, tr'eedeenihłoojyaa haa nijin gwats'an tr'idigwiindhat? Gwiizūu gwizhit

shroonchy'aa gahohtsyaa gwizhr̄h gwinkeehoh'ik, āiit'ee khit nakhwazhit nich'itsahthat, āiit'ee jyaa dini'yaa kwaa gaanandaii gwiizhit. ² Jidii nohthan datthak chan khwa'īi kwaa, āīi geenjit chan dinjii ēhdaatr'agooh'aa nohthan, zhyaa k'aiich'ii nohthan gaa khyu' q̄hjii. Āīi geenjit tr'eedeenih̄oojyaa ts'ą' nih̄it'iinjuh'ee. K'eegwaadhat oohkat kwaa geh'an jidii nohthan datthak khwa'īi kwaa t'oonchy'aa. ³ Āīits'ą' chan ideenjit gwiiz̄u gwizhit shroonchy'aa gahohtsyaa geh'an vach'oohkat dāi' ohdak kwaa. ⁴ Jii nankat gwiyyaa q̄h̄īi ts'ą' K'eegwaadhat vijyaa q̄h̄īi kwaa. Nakhwatee juu gwineetak ch'aadhich̄īi nāīi! Dinjii da'at eet'iindhan izhit gwik'it K'eegwaadhat diineet'iindhan, nik'ee gwah'in? ⁵ Dēht̄y'aa Choh kat jyaa digwinyaa āīi zhyaa t'igwinyaa noiinghya' shr̄o', "K'eegwaadhat jidii nakhwadrii zhit niin'āīi nihk'it vaa gwiiz̄u t'akhwa'ya' nohthan." ⁶ Dēht̄y'aa Choh kat jyaa digwinyaa "K'eegwaadhat juu yats'ą' ndak t'iinchy'aa nāīi ts'ı' t'inchy'aa, ts'ą' chan juu yats'ą' ndak t'inchy'aa kwaa nāīi gwintsii ts'inyaa."

⁷ Āīits'ą' K'eegwaadhat vant'eedooch̄īi. Ch'anky'aa Tr'aanduu vits'ı' t'iinchy'aa ji' nih̄eedeheedhaa t'inchy'aa. ⁸ K'eegwaadhat vats'ą' hoiinzhīi ji' nats'ą' heekhaa. Nakhwagwitr'it gwiiz̄u datthak akhagoohnyaa. Gwik'in̄jīghit adaa'īi nāīi akhagohnyaa, ts'ą' K'eegwaadhat ts'ą' hīts'eedōo'ee. ⁹ Nakhwatr'agwaanduu gwits'ı' tree haa K'eegwaadhat vik'inkhaii. Nakhwagwitr'it gwiiz̄u gwiizhit shoo q̄h̄i' shr̄o', geenjit tr'agohdii. ¹⁰ Jii kwaii datthak jyaa dini'in

ji' ndak gineenahahchya.

Nihlandaa Gaakhwandaii Yuuḥkhya' Shrq'!

¹¹ Shachaa naḥḥ, nihleegqohkhii kwaa! Aḥḥ juu jyaadahthan naḥḥ t'ee K'eegwaadhat Viginjik chan jyaadahthan doonchy'aa. K'eegwaadhat Viginjik eegooḥkhii ts'a' nakhweenjit iizuḥ ji' t'ee aḥḥ Viginjik k'eegohthat kwaa t'ohchy'aa. ¹² K'eegwaadhat zhrḥh diginjik diitl'eiin'aḥḥ. Adan zhrḥh needihahshii akwat an diihahtsyaa. Ch'arohkat drin zhit ji' adan zhrḥh diinoohakat. Juu ihḥḥ niindhan eenjit dinjii naḥḥ eeginkhii ts'a' neenjit iizuḥ?

Idech'qon'ya' Shrq'!

¹³ Juk shoodqohk'ḥḥ! Juu jii jyaanyaḥ naḥḥ, “Juk drin, nihkaa haa izhit kwaiik'it gwats'a' tr'ihedaa ts'a' shree drin ch'ihlak (one year) tr'ahaaky'aa ts'a' ch'arookwat zheh nigwirehee'aa ts'a' laraa leḥḥ hahtsyaa.” ¹⁴ Nihkaa naa deegweheechy'aa gaanandaii kwaa! Ch'atr'al vakwaa neegwiilik'it neegoo'ahi. ¹⁵ Jii aḥḥ jyaa diinyaḥ. “K'eegwaadhat k'iighai', gwiḥhdaii ji' jyaa dishi'yaa.” ¹⁶ Gaa juk aḥḥ ndak t'iinchy'aa ts'a' gwinzii gwizhrḥh ideeginkhii, aḥḥ kwaii gwiizuḥ t'iinyaḥ t'oonchy'aa.

¹⁷ Aḥḥts'a' t'ee aḥḥ juu dinjii vigwitr'it gwinzii gweheelyaa goo'ahi gwiizhit gwik'it t'ii'in kwaa ji' chan vatr'agwaanduu gwanlii.

5

Dinjii Valaraa Gwanlii Naḥḥ Deekhwa'in Gwak'qhtii

¹ Juk dinjii valaraa gwanlii naḥḥ, shoodqohk'ḥḥ! Nakhwadiveegweheezuḥ t'oonchy'aa ohtree

ts'a' geenjit tr'agohdii. ² Nakhwalaraa ajat ts'a' (moths) nakhwagwach'aa chan ch'eeyin'al!
³ Nakhwa-gold, chan ts'a' silver haa tsuh dhidlit* ajiits'a' jii tsuh Ch'aroahkat Drin zhit ji' nak'aadagwahaandhal, aji geh'an natthaj' ch'iyehhe'aa, ko' dee'in gwik'it. Juk Khaiinkoo Drin zhit gaa tth'aii hee nakhwalaraa nihkat dohii. ⁴ Juu neenjit gwitr'it t'agwah'in naji ininjigwanzhii ts'a' gwinzii googoiinkwat kwaa. Gitr'igii'ee ts'a' geegiginkhii, nik'ee gooviintth'ak? K'eegwaadhat datthak geenjit t'aih di'ii chan gooviitth'ak t'inchy'aa. ⁵ Ch'aroahkat Drin zhit gwats'a' nahgwan gaa, nankat gohdaii gwizhit lyaa jidii nohthan datthak khwa'ii ts'a' shroonchy'aa gwizhrh chan gohdaii. ⁶ Dinjii nizii naji gwiizuu t'igiizhik diinyaqa ts'a' goovehdaa tr'agwagwa'at ts'a' ideenjit gaa giginkhii kwaa

Vaakhadhanchi' Kwaa ts'a' Khadigiriinjii

⁷ Shachaa naji! Diik'eegwaadhat Jesus oo'ee neeheedyaa eenjit nagoodhan'in, dinjii gwaahshii jidii nahshii eenjit khalchi' kwaa gwik'it. Shreenyaa, shin haa hahtsin eenjit nagwal'in aji gwik'it nan chan nagoodhan'in. ⁸ Nihkhaneenoozhi' shrq', Jesus niighit kwaa k'ineeheedik goo'aii.

⁹ Shachaa naji, nihleegoozhkii kwaa, izhit ji', K'eegwaadhat gwiizuu t'inizhit kwaa nahaanjyaa. Ch'arooahkat gwats'a' niighit kwaa t'oonchy'aa. ¹⁰ Shachaa naji, aji juu Dehtly'aa Choh zhit K'eegwaadhat oozhri' zhit geenjit ginkhii naji anoondaii, goovaagogwantrii dai' gaa gwik'injigwiighit akhagagoonyaqa kwaa. Aji

* 5:3 Tsuh dhidlit t'ee rust t'arahnyaqa.

nəjɨ̄ gook'it'ohchy'aa. ¹¹ Nihkhaneegiiɨ̄l kwaa geenjit, goovaashroonchy'aa goovaagwiindaii. Job vaagogwantrii gaa nihkhaneezhii kwaa ts'a' ndaagwaa'ajɨ̄' dajɨ̄' K'eegwaadhat yits'iinya'. Jyahts'a' t'ee Diik'eegwaadhat diineenjit ch'eegoonzhriɨ̄ ajɨ̄ts'a' ch'eet'igwiniindhan haa di'jɨ̄ gaagwiindaii.

¹² Shachaa nəjɨ̄, “Li'haa K'eegwaadhat oozhri' zhit oihts'it kwaa t'ihnya'!” doiinya' shro'! Łyaa aaha' yiindhan ji' gwizhri' “Aaha'” diinya', ajɨ̄ts'a' chan nakwaa yiindhan ji' gwizhri' “Akkaa” diinya', ajɨ̄ ji' K'eegwaadhat nagwahəshɨ̄ kwaa.

Khadigiriinjii Gwit'eegwaahchy'aa

¹³ Nakhwatee nik'ee dinjii vaagogwantrii? Vaagogwantrii ji' khadigiinjii. Nik'ee goovaashroonchy'aa nəjɨ̄ gwanlii? Goovaashroonchy'aa ji' shoo haa K'eegwaadhat vats'a' ch'agooli'. ¹⁴ Nakhwatee tr'its'ik ji' ch'anjaa gwik'injiighit kih dilk'ii nəjɨ̄ aanaii ohnya'. Giieenjit khadigiheeeyaa ts'a' Jesus voozhri' zhit olive ghwai' haa giikat giheendaii. ¹⁵ Gwik'injigwiighit haa K'eegwaadhat vats'a' khadigiriinjii ji' t'ee ajɨ̄ dinjii its'ik nəjɨ̄ vaa shreehaanjyaa ajɨ̄ts'a' gootr'agwaanduu gooveenjit oo'an gweheelyaa. ¹⁶ Ajɨ̄ ji' t'ee shatr'agwaanduu gwanlii nihlahohjyaa ts'a' nihleenjit khadagahohjyaa. Ajɨ̄ ji' t'ee shrinehaanjyaa. Dinjii K'eegwaadhat k'it gwandaii t'ee khagidiinjii dajɨ̄ Łyaa K'eegwaadhat vat'aii gwats'an əhtsii. ¹⁷ Elijah t'ee diik'it dinjii inli'. Hahtsin kwaa eenjit khagideedi' ts'a' t'ee 3½ years datthak əhtsin kwaa. ¹⁸ Ajɨ̄t'ə'ə chan hahtsin

eenjit khagideedi' ts'a' ahtsin ts'a' nankat datthak neegwiilzhii.

¹⁹ Shachaa naïï, nakhwatee juu K'eegwaadhat ts'ii nil'ee ts'a' ch'ihlee K'eegwaadhat ts'a' nineeyaahchii ji', aïït'ee gwinzii. ²⁰ Aïïts'a' jii ganoondaii; Aïï juu dinjii vatr'agwaanduu gwanlii ch'izhii yits'iinya' ji' t'ee dagwandaii ch'ichï' ts'ï' neehahshii. Aïï geh'an leïï naïï atr'agwaanduu oo'an gweheedaa.

Vit'eegwijyahchy'aa Vagwandak Nizij New Testament in Gwich'in (US:gwi:Gwich'in)

copyright © 2010 Wycliffe Bible Translators, Inc.

Language: Gwich'in

Translation by: Wycliffe Bible Translators, Inc.

Gwich'in [gwi], USA

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 978-1-61338-040-6

The New Testament

in Gwich'in

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source files
dated 29 Jan 2022

76f78026-a415-5a46-bbf9-abfff2b08023